

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTON
Broj: T04 0 KT 0055942 23
Zenica, 16.10.2024. godine

OPĆINSKOM SUDU U KAKNJU
-Sudiji za prethodno saslušanje-
KAKANJ

Na osnovu člana 45. stav 2. tačke i), člana 241. stav 1. ZKP-a FBiH, podižem

OPTUŽNICU

Protiv:

K. E., osuđivan presudom Općinskog suda u Kaknju od 06.11.2006. godine za krivično djelo iz člana 239. stav 3. KZ F BiH, na kaznu zatvora u trajanju od jedan mjesec, uslovno jedna godina, presudom Općinskog suda u Kaknju od 09.12.2009. godine za krivično djelo iz člana 173. stav 1. KZ F BiH, na kaznu zatvora u trajanju od tri mjeseca, uslovno jedna godina, presudom Općinskog suda u Visokom od 09.12.2009. godine, za krivično djelo iz člana 358. stav 1. KZ F BiH, na kaznu zatvora u trajanju od četiri mjeseca, presudom Općinskog suda u Kaknju od 15.11.2010. godine, za krivično djelo iz člana 362. stav 1. KZ F BiH, na kaznu zatvora u trajanju od tri mjeseca, presudom Općinskog suda u Zenici od 28.07.2015. godine, za krivično djelo iz člana 374. stav 1. KZ F BiH, na kaznu zatvora u trajanju od četiri mjeseca, uslov dvije godine, presudom Općinskog suda u Travniku od 13.07.2015. godine, za krivično djelo iz člana 239. stav 3. KZ F BiH, na kaznu zatvora u trajanju od deset mjeseci, uslov dvije godine, presudom Općinskog suda u Visokom od 10.02.2016. godine, za krivično djelo iz člana 287. stav 1. KZ F BiH, na kaznu zatvora u trajanju od šest mjeseci, presudom Općinskog suda u Zenici od 22.02.2017. godine, za krivično djelo iz člana 238. stav 1. u vezi sa članom 31. i 55. KZ F BiH u sticaju sa krivičnim djelom iz člana 371. KZ F BiH i članom 52. stav 1. tačka b) ZONDINOM ZDK, a sve u vezi sa članom 54. KZ F BiH, na kaznu zatvora u trajanju od jedne godine i dva mjeseca, presudom Općinskog suda u Travniku od 08.05.2018. godine, za krivično djelo iz člana 173. stav 1. KZ F BiH, na kaznu zatvora u trajanju od šest mjeseci, uslov dvije godine, presudom Općinskog suda u Visokom od 30.07.2019. godine, za krivično djelo iz člana 173. stav 1. KZ F BiH, na kaznu zatvora u trajanju od četiri mjeseca, presudom Općinskog suda u Visokom od 12.11.2020. godine, za krivično djelo iz člana 371. stav 1. KZ F BiH, na kaznu zatvora u trajanju od četiri mjeseca, zamijenjena radom za opće dobro na slobodi u trajanju od 45 radnih dana,

što je:

1.dana 17.11.2023. godine, u mjestu Č., općina Kakanj, suprotno odredbama člana 4 stav 1, 2, 3 i 5 u vezi sa članom 19. i 20. Zakona o sprečavanju i suzbijanju zloupotrebe opojnih droga BiH, iako je znao i bio svjestan da je držanje opojne droge radi prodaje zakonom zabranjeno, to je i htio, pa je neovlašteno radi prodaje držao opojnu drogu i to: jedan prozirni pvc paketić sa sadržajem bijele NN materije neto mase 0,066 grama, bijelu pvc karticu sa natpisom "petrol" dimenzije 8,5 x 5,5 cm sa tragovima bijele NN materije, crnu pvc cjevčicu sa bijelim pvc nastavkom ukupne dužine oko 8 cm sa tragovima bijele materije, bijelu pvc ploču oblika kruga prečnika oko 20 cm na kojoj su tragovi bijele NN materije neto mase 0,460 grama, jednu ljubičastu pvc vrećicu u kojoj se nalaze dva prozirna pvc paketića sa sadržajem bijele NN materije neto mase 32,118 grama i 32,412 grama, 8 crvenih pvc paketića sa sadržajem bijele NN materije neto mase: 0,627 grama, 0,684 grama, 0,640 grama, 0,675 grama, 0,616 grama, 0,623 grama 0, 602 grama i 0,476 grama za koju materiju je vještačenjem utvrđeno da sadrži psihoaktivnu komponentu „amfetamin“, poznatiju kao opojna droga „speed“, koja droga je pod rednim brojem 1 „Liste psihotropnih tvari“ iz tabele II/2 „Tvari i biljke pod strogom kontrolom“ proglašena takvom i jedan crveni pvc paketić sa sadržajem suhe biljne materije neto mase 0,633 grama, za koju materiju je vještačenjem utvrđeno da sadrži psihoaktivne komponente „tetrahidrokanabinol“ (THC), te predstavljaju opojnu drogu „cannabis“, poznatiju kao opojna droga „marihuana“, koja droga je pod rednim brojem 13 „Liste opojnih droga“ iz Tabele I/1 „Zabranjene tvari i biljke“ i pod rednim brojem 26 Lista psihotropnih tvari iz Tabele I/2 „Zabranjene tvari i biljke“, koja opojna droga, je pronađena i oduzeta od strane policijskih službenika PS Kakanj prilikom pretresa stana u mjestu Č., općina Kakanj, a po naredbi Općinskog suda u Kaknju od 17.11.2023. godine,

dakle, neovlašteno radi prodaje držao opojnu drogu,

2.dana 17.11.2023. godine, u mjestu Č., općina Kakanj, suprotno odredbama člana 5. stav 1. tačke a) a u vezi sa članom 6a tačke b) i u vezi sa članom 6b stav 1. tačke b) Zakona o nabavljanju, držanju i nošenju oružja i municije ZE-DO kantona, iako je bio svjestan da nema odobrenje za držanje oružja i municije, to je i htio, pa je bez odobrenja držao: prepravljene pištolj oznake „Zastava“ serijskog broja: ET-831910 i 4 komada metaka kalibra 6,35 x 15,5 mm, koji se koriste za poluautomatske pištolje kalibra 6,35 mm, a koji pištolj i municija su mu pronađeni prilikom pretresa stana u mjestu Č., općina Kakanj, a po naredbi Općinskog suda u Kaknju od 17.11.2023. godine,

dakle, bez odobrenja držao vatreno oružje i municiju

čime bi počinio krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH u sticaju sa krivičnim djelom iz člana 52. stav 1. tačke b) ZONDINOM, a sve u vezi sa članom 54. KZ F BiH,